

# UGOVOR

## o nabavci rezervnih dijelova za lift sa ugradnjom

Zaključen u Sarajevu između:

Zavoda zdravstvenog osiguranja Kantona Sarajevo, Ul. Ložionička broj 2 (u daljem tekstu Ugovorni organ), kojeg zastupa v.d. direktorica Zilha Ademaj, dipl. oec.

i

DVG-ALM COMPANY d.o.o. Sarajevo, Ul. Nedima Filipovića bb (u daljem tekstu Dobavljač), kojeg zastupa direktor Nihad Fetahović.

### PREDMET UGOVORA

#### Član 1.

Predmet ovog Ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku „rezervnih dijelova za lift sa ugradnjom“ za potrebe Zavoda zdravstvenog osiguranja Kantona Sarajevo, na osnovu Zahtjeva za pokretanje nabavke broj 03-13-Dž.A.-8137/19 od 28.02.2019. godine, Odluke o pokretanju postupka putem direktnog sporazuma broj 03-12-Dž.H.N.-8137-OPP/19 od 19.03.2019. godine, Poziva na dostavljanje ponude broj 03-12-Dž.H.N.-8137-PDP/19 od 19.03.2019. godine, ponude Dobavljača broj: 728/19 od 28.03.2019. godine, a u skladu sa Odlukom o prihvatanju ponude broj 03-12-Dž.H.N.-8137-OI/19 od 09.04.2019. godine.

### PREDMET NABAVKE

#### Član 2.

(1) Predmet nabavke je nabavka “rezervnih dijelova za lift sa ugradnjom“ za potrebe Zavoda zdravstvenog osiguranja Kantona Sarajevo tj. za lift koji je u vlasništvu Zavoda (električni putnički lift sa 13 stanica, nosivosti do 860kg)

(2) Predmet nabavke uključuje sljedeće:

R. br	Predmet nabavke	Tehnička specifikacija	Jed. mjere	Količina
1	Skraćivanje nosivih užadi i podešavanje sigurnosnog puta	Potrebno je izvršiti skraćivanje nosivih užadi i podešavanje sigurnosnog puta	usluga	1
2	Skraćivanje užeta graničnika brzine	Potrebno je izvršiti skraćivanje užeta graničnika brzine	usluga	1
3	Osposobljavanje kabinskog ventilatora	Potrebno je osposobiti kabinski ventilator	usluga	1
4	Nosivi točkići vrata sa ugradnjom	Potrebno je isporučiti i zamijeniti nosive točkiće vrata	kom	8
5	Klizači krila vrata sa ugradnjom	Potrebno je isporučiti i zamijeniti klizače krila vrata	kom	6
6	Pozivna dugmad u kabini sa ugradnjom	Potrebno je isporučiti i zamijeniti pozivnu dugmad u kabini	kom	8
7	Kontakter kočnice sa ugradnjom	Potrebno je isporučiti i zamijeniti kontakter kočnice 24V; 7kW	kom	1
8	Podešavanje pristajanja kabine	Potrebno je podesiti pristajanje kabine lifta u stanicu	usluga	1
9	Postavljanje sakupljača ulja	U dnu voznog okna na vodilicama kabine i protutega postaviti sakupljače ulja	usluga	1

(3) Predmetna nabavka uključuje sav popratni materijal i usluge koji su potrebni da bi se Rezervni dijelovi koji su predmet ove nabavke instalirali i lift opet pustio u rad te neometano funkcionisao kao i sve prateće usluge dostave, demontaže starih dijelova lifta, ugradnje novih dijelova i sve ostale zavisne poslove koji po svojoj prirodi pripadaju ovom predmetu nabavke.

#### Član 3.

(1) Mjesto isporuke je Direkcija Ugovornog organa na adresi Ložionička 2.

### GARANTNI ROK

#### Član 4.

(1) Garantni rok na robe i usluge koje su predmet ovog Ugovora je dvanaest mjeseci od ugradnje.

(2) Dobavljač garantuje da je isporučena roba propisanog kvaliteta bez nedostataka u materijalu i izradi, te da će u garantnom roku od 12 (dvanaest) mjeseci od datuma ugradnje i puštanja lifta u neometan rad ispravno funkcionisati

### OBAVEZE UGOVORNIH STRANA

#### Član 5.

(1) Dobavljač se obavezuje isporučiti robe i pružiti usluge koji su predmet ovog Ugovora koji kvalitetom i obimom u svemu odgovaraju karakteristikama preciziranim u Pozivu na dostavljanje ponude broj 03-12-Dž.H.N.-8137-PDP/19 od 19.03.2019. godine, na način i u rokovima regulisanim ovim Ugovorom i prihvaćenom ponudom Dobavljača.

#### Član 6.


(1) Ugovorni organ se obavezuje da od strane Dobavljača prihvati isporučene robe i pružene usluge koje su Predmet ovog Ugovora ukoliko iste odgovaraju ugovorenom kvalitetu.

(2) Ugovorni organ se obavezuje da nakon isporučene robe i pruženih usluga koje su predmet ovog Ugovora, saglasno Narudžbi, ukoliko iste odgovaraju ugovorenom kvalitetu, plati ugovorenu cijenu na način i u rokovima određenim u Pozivu na dostavljanje ponude broj 03-12-Dž.H.N.-8137-PDP/19 od 19.03.2019. godine i ovim Ugovorom.

#### Član 7.

(1) Cijena roba i usluga koje su predmet ovog Ugovora ukupno iznosi 1.765,00 KM bez PDV-a, tj. 2.065,05 KM sa PDV-om po stavkama kako slijedi:

R. br	Predmet nabavke	Jed. mjere	Količina	Jedinična cijena po stavki bez PDV-a	Ukupna cijena po stavki bez PDV-a
1	Skraćivanje nosivih užadi i podešavanje sigurnosnog puta	usluga	1	320,00	320,00
2	Skraćivanje užeta graničnika brzine	usluga	1	40,00	40,00
3	Osposobljavanje kabinskog ventilatora	usluga	1	45,00	45,00
4	Nosivi točkići vrata sa ugradnjom	kom	8	54,00	432,00
5	Klizači krila vrata sa ugradnjom	kom	6	36,00	216,00
6	Pozivna dugmad u kabini sa ugradnjom	kom	8	54,00	432,00
7	Kontakter kočnice sa ugradnjom	kom	1	160,00	160,00
8	Podešavanje pristajanja kabine	usluga	1	80,00	80,00
9	Postavljanje sakupljača ulja	usluga	1	40,00	40,00
Ukupna cijena bez PDV-a					1.765,00
Popust					0,00
Ukupna cijena sa popustom bez PDV-a					1.765,00
PDV na cijenu ponude (sa uračunatim popustom)					300,05
Ukupna cijena sa PDV-om					2.065,05
Ukupna cijena za ugovor sa PDV-om riječima: dvijehiljadešezdesetpet i 5/100 KM					



(2) Dobavljač se obavezuje da će robe i usluge koje su predmet ovog Ugovora isporučiti i primiti po ukupnoj cijeni u kojoj je uračunat PDV i svi drugi zavisni troškovi uključujući sav popratni materijal i usluge koji su potrebni da bi se rezervni dijelovi koji su predmet ovog ugovora ugradili.

#### Član 8.

(1) Plaćanje Dobavljaču će se izvršiti nakon isporuke i ugradnje rezervnih dijelova lifta i pružanja svih usluga koje su predmet ovog Ugovora, a na osnovu ispravno dostavljene fakture Ugovornom organu uz koju moraju biti priloženi narudžbenica i otpremnica ovjereni od strane ovlaštene osobe ispred Ugovornog organa u roku do 60 dana od ispostave ispravne fakture.

(2) Rok za računanje odgode plaćanja započinje od momenta kada Dobavljač isporuči i ugradi rezervne dijelove kao i pruži sve usluge koje su predmet ovog Ugovora te ispravno dostavi fakturu Ugovornom organu.

### OSTALE OBAVEZE UGOVORNIH STRANA

#### Član 9.

U slučaju potrebe za robama ili uslugama većeg obima, izvan okvira ugovornih obaveza ovog Ugovora, Dobavljač je obavezan tražiti saglasnost Ugovornog organa, te obrazložiti potrebu za istima i i priložiti važeći cjenovnik.

### ROK ISPORUKE

#### Član 10.

Rok isporuke robe i pružanja usluga koje su predmet ovog Ugovora je 10 (deset) dana od momenta dostavljanja narudžbenice.

#### Član 11.

(1) Dobavljač ima pravo na produženje ugovorenog roka ako je u isporuci robe ili pružanju pripadajućih usluga bio spriječen izvanrednim događajima koji se nisu mogli predvidjeti u vrijeme zaključenja ovog Ugovora.

(2) Izvanrednim događajima se smatraju:

- a) prirodni događaji koji se smatraju višom silom (poplave, zemljotres i druge prirodne nepogode),
- b) mjere državnih organa.

(3) Dobavljač je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.

(4) Ako Dobavljač zakasni sa isporukom robe ili pružanjem usluga iz razloga koji nisu obuhvaćeni članom 12. ovog Ugovora, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju i snosit će svu štetu za Ugovorni organ (npr. dodatni troškovi, izmakla dobit, itd.) nastalu uslijed kašnjenja u pružanju usluga.

## NAKNADA ŠTETE

### Član 12.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest) dana od dana postavljenog kompletiranog i osnovanog zahtjeva za isplatu naknade.

### Član 13.

(1) Ukoliko uslijed nemara ili krivice Dobavljača Ugovorni organ pretrpi štetu, Dobavljač je dužan naknaditi štetu Ugovornom organu u stvarnom iznosu.

(2) Ukoliko dobavljač ne isporuči neke robe ili ne pruži neke usluge kako je navedeno u narudžbenici Ugovornog organa, dužan je Ugovornom organu nadoknaditi štetu u vrijednosti iste. Ugovorni organ je ovlašten da ovu štetu naplati umanjnjem pristiglih a neplaćenih faktura, za vrijednost neisporučenih roba tj. nepruženih usluga.

(3) U slučaju neuredne isporuke robe tj. neurednog pružanja usluga ili zakašnjenja u izvršavanju ugovornih obaveza od strane Dobavljača, a kao rezultat nepažnje Dobavljača ili njegovog osoblja, neovisno da li je nastupila šteta takvim postupanjem, Ugovorni organ ima pravo da Dobavljaču plaćanje po fakturi za isporučene robe i pružene usluge u kašnjenju umanja za iznos do 20% od iznosa fakture.

### Član 14.

(1) Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

(2) Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

## PRESTANAK UGOVORA

### Član 15.

(1) Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

(2) Ugovor može prestati i prije njegovog izvršenja, u slučaju raskida.

### Član 16.

(1) Obje ugovorne strane mogu raskinuti ovaj Ugovor:

a) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;

b) u svim ostalim slučajevima propisanim zakonom.

(2) Ugovorna strana koja želi da raskine ugovor je dužna prethodno pisanim putem pozvati drugu ugovornu stranu na ispunjenje ugovorene obaveze.

(3) Ugovor se raskida pismenom izjavom koja se dostavlja drugoj ugovornoj strani.

(4) U izjavi mora biti naznačeno po kom osnovu se Ugovor raskida, kao i dostavljen dokaz da je druga ugovorna strana prethodno, također pisanim putem, pozvana na ispunjenje ugovorene obaveze.

(5) U svakom slučaju Ugovor se ne može raskinuti zbog neizvršenja neznatnog dijela ugovornih obaveza.

### Član 17.

(1) Ugovorni organ može raskinuti ovaj Ugovor:

- a) ako Dobavljač ne izvrši ugovorenu obavezu u pogledu kvaliteta tj. ako se utvrdi da isporučene robe tj. pružene usluge ne ispunjavaju kriterije iz ponude temeljem kako je zaključen Ugovor;
- b) ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima;
- c) ako je zaostajanje u isporuci robe i pružanju usluga koji su predmet ugovora takvo da može dovesti u pitanje izvršenje ugovora ali samo ako je do zaostajanja došlo krivicom Dobavljača; u svim ostalim slučajevima propisanim zakonom.

(2) Iz razloga propisanih stavom 1. alineje a), c) i d) ovog člana Ugovorni organ može raskinuti ovaj Ugovor samo ako je prethodno upućen pisani poziv Dobavljaču sa zahtjevom za ispunjenjem ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

#### Član 18.

- (1) Dobavljač može da raskine ugovor ako Ugovorni organ uslijed vlastite krivice ne izvrši svoje ugovorne obaveze.
- (2) U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

### OSTALE ODREDBE

#### Član 19.

Za sve ono što nije regulisano ovim Ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

#### Član 20.

- (1) Svi sporovi koji eventualno nastanu iz ovog Ugovora rješavat će se sporazumom ugovornih strana.
- (2) Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

#### Član 21.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u proceduri javne nabavke putem direktnog postupka za nabavku ovih roba i usluga ispred Ugovornog organa najmanje šest mjeseci po zaključenju Ugovora, odnosno od početka realizacije Ugovora.

### ZAVRŠNE ODREDBE

#### Član 22.

Sastavni dio ovog Ugovora su:

- a) Odluka o pokretanju postupka putem direktnog sporazuma broj 03-12-Dž.H.N.-8137-OPP/19 od 19.03.2019. godine;
- b) Poziv na dostavljanje ponude broj 03-12-Dž.H.N.-8137-PDP/19 od 19.03.2019. godine;
- c) Ponuda Dobavljača broj: 728/19 od 28.03.2019. godine;
- d) Odluka o prihvatanju ponude broj 03-12-Dž.H.N.-8137-OI/19 od 09.04.2019. godine.

#### Član 23.

- (1) Ovaj Ugovor stupa na snagu danom potpisivanja od strane obje ugovorne strane.
- (2) Ukoliko ugovorne strane ne potpišu Ugovor na istovjetan datum, danom stupanja na snagu Ugovora ima se smatrati kasniji datum potpisa.

Član 24.

Ovaj Ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Dobavljač

DVG-ALM  
COMPANY d.o.o.



Nihad Fetahović

DVG-ALM COMPANY d.o.o.  
društvo za inženjering,  
montažu i servisiranje liftova  
SARAJEVO 01

Ugovorni organ

ZAVOD ZDRAVSTVENOG OSIGURANJA  
KANTONA SARAJEVO



Zilka Štefanić, dipl. oec.



Broj: 303-728/19  
Datum: 17.6.2019.

Broj: 03-12-Dž.H.N-8137-UG/19  
Datum: 07.06.2019. godine.